

Meeqqat atuarfianniit inuusuttut ilinniarfiinut ingerlaqqinnerit, 2016-imi soraarummeertut

Meeqqat atuarfiini naammassisimasut ilaat inuusuttunut ilinniarfimmuut ingerlaqqinnginnerminni efterskolertarput imaluunniit assersuutigalugu Majoriami piginnaangorsaqqinnermik højskolimilluunniit ingerlatsisarlutik. Kisitsisitigut paasissutissani matumani meeqqat atuarfianni naammassisimasut atuartut qanoq amerlatigisut inuusuttunut ilinniarfimmik, tassa ilinniarnertuunngorniarnermik aammalu inuussutissarsiornermik ilinniarnermik, aallartitsisarnerat kisimi pineqarpoq.


Kisitsisitigut paasissutissani meeqqat atuarfiini soraarummeernerminni minnerpaamik misilitsinnermi ataatsimi peqataasimasut tunngavigineqarput, meeqqat atuarfianni atuartut tamakkerlugit nalunaarsuuteqannginnerat peqqutigalugu. Tamanna meeqqat atuarfianni soraarummeernerminni misilitsissimangitsut, assersuutigalugu specialklassini atuartut, kisitsisini ilaatinneqannginnerannik isumaqarpoq.

Meeqqat atuarfianni soraarummeersimasut affai inuusuttunut ilinniarfimmik aallartitsisimapput

2016-imi meeqqat atuarfianni soraarummeertut akornanni 51 pct.-ii ukiut marluk ingerlanerini inuusuttunut ilinniarfimmik aallartitsisimapput. Atuartut amerlanersaat, 3/4-inik annertutigisut, ilinniarnertuunngorniarnermik aallartitsisimapput 1/4-iilu inuussutissarsiornermi ilinniarnermik aallartitsisimallutik.

2010-mili ukiut marluk ingerlanerini inuusuttunut ilinniarfimmuut ingerlaqqittartut amerlassusaat 50 pct.-it missaaniittarpoq. 2010-mi 49 pct.-imiit 2016-imi 51 pct.-imut qaffasimavoq.

Titartagaq 1. Meeqqat atuariannik naammassinnereernermi ukiut marluk qaangiunnerini inuusuttunut ilinniarfimmik aallartissimasut amerlassusaat, 2010-miit 2016-imut soraarummeertut




Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA1>).

Kommune Kujallermi atuartut inuusuttunut ilinniarfinnut ingerlaqqittartut amerlanerusut

Kommunit malillugit immikkoortiterinermi Kommune Kujallermi meeqqat atuarianni soraarummeertut inuusuttunut ilinniarfinni aallartissimasut amerlanerupput. Agguaqatigiissillugu Kommune Kujallermi 2014-imiit 2016-imut meeqqat atuariannit soraarummeersimasut 57 pct.-ii soraarummeernerup kingorna ukiut marluk ingerlanerini inuusuttunut ilinniarfinni ilinnialersimapput. Akerlianik Kommune Qeqertalimmi ingerlaqqittartut ikinneraapput. Kommune Qeqertalimmi 2014-imiit 2016-imut meeqqat atuariannit soraarummeersimasut agguaqatigiissillugit 45 pct.-ii soraarummeernerup kingorna ukiut marluk ingerlanerini inuusuttunut ilinniarfinni ilinnialersimapput.

Titartagaq 2. Meeqqat atuarfiannik naammassinnereernermi ukiut marluk qaangiunnerini inuusuttunut ilinniarfimmik aallartitsisimasut amerlassusaat, 2014-imiit 2016-imut soraarummeersimasut agguaqatigiissinneri



Nassuiaat: Kommunit ilaat ikittuinnarnik atuartoqartarnerat peqqutigalugu titartagaq ukiunik pingasunik agguaqatigiissilluni suliaavoq.


Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

Niviarsiaqqat ilinniarnertuunngorniarnermik toqqaasartut nukappiaqqanit amerlanerusut

Meeqqat atuarfiata naammassereernerani ukiut marluk ingerlanerini niviarsiaqqat nukappiaqqanit amerlanerulaartut ilinniakkanut ingerlaqqittarput. 2016-imi meeqqat atuarfianni soraarummeertut akornanni niviarsiaqqat 52 pct.-ii ilinniakkamik aallartitsisimapput, nukappiaqqanullu kisitsit 51 pct.-imiilluni. 2010-mili taamatut ingerlasimapput. Taamaattoq nukappiaqqat meeqqat atuarfiannik naammassinnereernerup kingorna ilinniakkamik aallartitsisartut amerlassusaat niviarsiaqqat amerlassusaannit qaffariarnerusimavoq.

Niviarsiaqqat (45 pct.-it) pingaartumik ilinniarnertuunngorniarnermik toqqaasarput, ikinnerusullu (7 pct.-it) inuusutissarsiornermi ilinniakkamik aallartitsisarlutik. Nukappiaqqat akornanni amerlanerusut (33 pct.-it) aamma ilinniarnertuunngorniarnermik aallartitsisimapput. Niviarsiaqqanulli sanilliullugit amerlanerusut (16 pct.-it) inuusutissarsiornermi ilinniakkamik aallartitsisimallutik.

Titartagaq 3. Meeqqat atuariannik naammassinnereernermi ukiut marluk qaangiunnerini inuusuttunut ilinniarfimmik aallartitsisimasut amerlassusaat suaassuseq malillugu, 2016-imi soraarummeertut



Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

Eqikkaaneq

Tabel 1. Meeqqat atuarfianniit ukiut marluk qaangiunnerini inuusuttunut ilinniartinnut ingerlaqqinnerit, 2016-imi soraarummeertut

Ilinniakkap qaffasissussaa	Suli Naamassinnis-		Unitsitsisut	Aallartitsisima-nngitsut	Katillugit
	ingerlatsisut	simasut			
<i>Amerlassusaat</i>					
Ilinniarnertuunngorniarneq	178	-	79	-	257
Inuusutissarsiornermik ilinniartinnut	47	6	27	-	80
Nalunaarsuuteqanngitsut	-	-	-	318	318
Katillugit	225	6	106	318	655
<i>Procentinngorlugu</i>					
Ilinniarnertuunngorniarneq	27	-	12	-	39
Inuusutissarsiornermik ilinniartinnut	7	1	4	-	12
Nalunaarsuuteqanngitsut	-	-	-	49	49
Katillugit	34	1	16	49	100

Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

Tabel 2. Meeqqat atuarfianniit ukiut marluk qaangiunnerini inuusuttunut ilinniartinnut ingerlaqqinnerit suaassuseq malillugu, 2016-imi soraarummeertut

Ilinniakkap qaffasissussaa	Suli Naamassinnis-		Unitsitsisut	Aallartitsisima-nngitsut	Katillugit
	ingerlatsisut	simasut			
Nukappiaqqat					
<i>Amerlassusaat</i>					
Ilinniarnertuunngorniarneq	74		27		99
Inuusutissarsiornermik ilinniartinnut	36	5	13		47
Nalunaarsuuteqanngitsut				152	152
Katillugit	110	5	40	152	298
<i>Procentinngorlugu</i>					
Ilinniarnertuunngorniarneq	25	0	9	0	33
Inuusutissarsiornermik ilinniartinnut	12	2	4	0	16
Nalunaarsuuteqanngitsut	0	0	0	51	51
Katillugit	37	2	13	51	100
Niviarsiaqqat					
<i>Amerlassusaat</i>					
Ilinniarnertuunngorniarneq	104	-	52	-	156
Inuusutissarsiornermik ilinniartinnut	11	1	14	-	27
Nalunaarsuuteqanngitsut	-	-	-	166	166
Katillugit	115	1	66	166	349
<i>Procentinngorlugu</i>					
Ilinniarnertuunngorniarneq	30	-	21	-	45
Inuusutissarsiornermik ilinniartinnut	3	0	4	-	7
Nalunaarsuuteqanngitsut	-	-	-	48	48
Katillugit	33	0	19	48	100

Najoqqutaq: Naatsorsueqqissaartarfik –kisitsisit Kisitsisaataasivimmi takukkit (<http://bank.stat.gl/UDNTRFA2>).

Periaaseq

Siunertaq

Kisitsisini paasissutissani matumani siunertaavoq meeqqat atuarfiini naammassisimasut qanoq amerlatigisut ukiut 1-10 ingerlanerini inuusuttunut ilinniartinnut ingerlaqqittarnerisa naammassinnittarnerisalu kisinneqarnissaat.

Nalunaarsuutit tunngaviusut

Kisitsisitigut paasissutissat ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasissutissat suliarineqarput. Kisitsisillu meeqqat atuarfianni naammassisimasut nalunaarsuisarfiat soraarummeernermi karakterinik imaqartoq tunngavigineqarpoq.

Periaaseq

Meeqqat atuarfianni soraarummeertut ukioq naammassiffigisimasaannit ukiut 1-10 qaangiunnerini ilinniakkamik aallartitsisimasut, naammassinnissimasut sulilu ingerlatsisut nalunaarsuisarfiini ataatsimut ingerlanneqarput.

Ukiut tamaasa ukiumi pineqartumi atuartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Atuartut suli ilinniakkamik ingerlatsisutut imaluunniit naammassinnissimasutut nalunaarsorneqarsimanngitsut "unitsitsisimasutut" killiffilerneqarput. Meeqqat atuarfiannik naammassinnereernerup kingorna ilinniakkamik aallartitsisimanngitsut "aallartitsisimanngitsutut" killiffilerneqarput.

Killiffiliinermut piffissaq

Meeqqat atuarfiannik naammassinnereernermi ukiut qaangiuttut amerlassusaannut atorineqarpoq, ilinniakkap killiffia 31. decembarimi naatsorsorlugu.

Ilinniakkap qaffasissusaa

Ilinniakkat qaffasissusaa International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnerisut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa. Taaguutit takussutissiarlu www.stat.gl -imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Ilinniakkap killiffia

Ukiup kisitsiviusup naanerani ilinniartup ilinniarnermi killiffianut atorpeqarpoq. Ilinniakkap killiffiani naatsorsuutit atorpeqartut tassaapput:

1. Suli ingerlatsineq
2. Naammassinnissimaneq
3. Unitsitsisimaneq
4. Aallartitsisimanginneq

Naatsorsuineq

Meeqqat atuarfianniit inuusuttunut ilinniartup ingerlaqqittut kisitsisitigut paasissutissaat meeqqat atuarfiannik naammassinnereernerup kingorna ukiut 1-10 qaangiunnerini suli ingerlatsisut, naammassinnissimasut, unitsitsisimasut imaluunniit aallartitsisimangitsut amerlassusaattut naatsorsorneqarput.

Tabelit ilinniakkap aallartissimasap qaffasissusaannut, atuarfinnut suaassutsinullu naatsorsorneqarput.

Killiliinerit erseqqissagassallu

Kisitsisitigut paasissutissani meeqqat atuarfiini soraarummeernermi minnerpaamik misilitsinnermi ataatsimi peqataasimasut tunngavigineqarput. Atuartut Kalaallit Nunaanni meeqqat atuarfianni soraarummeernermi misilitsissimangitsut, assersuutigalugu specialklassini atuartut imaluunniit qallunaat efterskoliini 10.klassersimasut kisitsisini ilaangillat. Kalaallit Nunaannit nuussimasut Kalaallit Nunaannilu ilinniagaqarnersiuteqartitsivik avaqqullugu ilinniagaqarsimasut “aallartitsisimangitsunut” killiffimmi ilaapput.

“Unitsitsinermut” killiffimmi ilinniakkamik unitsitsigallartut ilaapput.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

Emil Malta

E-mail: emim@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

